

Uunga siunnersuut: Inuit innarluutillit tapersorneqarnissaannut Inatsisartut inatsisaatnr. xx,xx. xxx 2019-imeersoq

Siumumiit Naalakkersuisut inuit innarluutillit pillugit Inatsisissatut siunnersuutaannut qujavugut. Sivisuumik inuiaqatigiinni una inatsisissaq utaqqineqarsimasoq nalunngilarput, taamaattumik nuannaarluta imak oqaaseqarfigissavarput.

Inatsisissatut siunnersuut misissorluareerlugu qujaruppagut inuit innarluutillit, inunntut innarluutillinnut ilaqutaasut, qanigisaasut taamalu inuunermi innarluuteqalersimasut matumani inatsisissami ilanngunneqarlutik eqqumaffigineqarmata. Siumumiit Ilaqutariinnut peqqissutsimullu Naalakkersuisup suleqateqarusussuseqarneranut assorsuaq qujassutigaarput. Kialluunniit uummatigissup suliaq oqimaakkaluartoq kivitseqataaffigissallugu piumassuseqarfigaa. Pisussaaffinnilu sulilluaravit aammaarluta qujaq-qippugut.

Inatsisissatut siunnersuut siorna siullermeerneqarnermini kingorna paasinarsivoq Kommunit peqataatinneqarnerunissaat pillugu sukumiinersumik piareersarluarneqarnissaa pillugu aappasaaneernissaa pingajussaaneernissaalu upernaamut kinguartinneqartut. Taamaattumik Siumut tamakkiisumik pingaartilluinnarpaa innuttaasunut qanimut Kommunit sullissinerat malinnaatilluinnarneqartariaqartoq.

Inatsisissaq annertuvoq, saqqummiunneqartullu aallaavigalugit atitullunilu siammasippoq. Nuannaarutigeqaarput takusinnaallugu tusarniaaneq annertoq susassaqarfinnut amerlaqisunut ingerlanneqarsimasoq, taamaakkaluartoq suli Siumut isumaqarpoq tusarniaanermi peqataatinneqartut ulluinnarni susassaqarfigineqartunut attuumalluinnartut suli siammasinnerusariaqartut. Taamaattumik suliassaq angisooq akisussaaffillu annertoq tamakkiisumik suliarilluarneqarnissaa Siumumiit sakkortuumik pingaartipparput.

Innarluuteqarluni inunnguuseqarneq inuunerup sinneranut ikorfartorneqarnissamik pisariaqartitsiviuvoq. Taamaattumik qanigisaasut ilaqutaasullu ulluinnarni inuunerat annerusumik minnerusumilluunniit kalluarneqartussaavoq. Ilaqutariinneq inuunermi pingaarnarpaani ilaavoq. Inuuneq imak nalunartigaaq illiusinnaavoq ullut arlaanni eqqugaasoq innarluuteqalertorlu, taamaattumik inatsisit ajaappissatut ilillugit ajaperfigissallugit periarfissaqartariaqarputit. Uani inatsisissami tamakkuupput ilanngullugit eqqumaffigineqartut. Taamaattumik nuna inuuffigisarput isorartooq siammasisorlu eqqarsaatigalugu nukiit ataatsimoorfiusut suleqatigiittariaqavippuit. Naak oqartoqartarluartoq politikki uummatilersorfiunngittoq taamaattoq arlaannarpulluunniit maani issiasinnaangilaq suliaminut uummateqarani.

Siunnersuutip imarisai annerusumik iserfiginiangilagut, taamaattorli suliassaq annertooq peqqis-saarulluinnarlugu suliassaavoq. Inuit illersorumakkagut ilai oqaaseqaratillu tusaasinnaangillat, allallu timimikkut ersittumik ersinngittumillu innarluuteqarput. Uagullu taakkununga aqutissiuisussatut pingaarnepaavugut, taamaattumik Ilaqutariinnermut Peqqissutsimillu Ataatsimiititaliami suliassaaleqinaviangeqaagut. Qularutiginnngilluinnarpagut arlaannarpulluunniit tamaviaangitsoornavianngitsoq, taamaattumik ataatsimiititaliami sulilluarnissarsi kissaatigaarput, qanortorlu angusaqarluarlusilu pimoorullugu naammassigisiuttoq.

Qujanaq